



Газет 2001-йисан
ноябрдилай акъатзава

РД-дин Докъузпара райондин общественно-политический газет.
Общественно-политическая газета Докузпаринского района РД.

Эренлардин СЕС

№ 41 (918) 9-октябрь, арбе, 2019-йис. Газетдин са экз. къимет киоскрай - 10 манат

РАЙАДМИНИ С ТРАЦИЯДА

Чимивилерин сезондиз талукъ месэляяр гьялна

7-октябрдиз "Докъузпара район" МР-дин килин везифаяр вахтуналди тамамарзавай Агъмед Агъмедован гуъзчивилик квай совещание хъана. Адан карда райондин гьукуматдин тешкилатрин руководителри, хуърерин чкайрин килери иштиракна. Совещанида райондин Собранидин депутатрин председатель Абас Абасовни авай.

Райадминистрациядин экономикадин отделдин начальник Султанмурад Магъмудова 2019-йисан пуд лагъай кварталдиз къазанжийралди бюджет ацурнавай гьаларикай суъгьбетна. Ада пуд кварталда (подоход налук) квачиз, муькуь вири жуьрейрин налукрин планар ацурнавайдакай лагъана. Мадни, ада риклел хкана 9 вацран вахтунда чилерин участокар актуализация авун 163 процентдин, ОКС-яр - 135 процентдин тамамарнава.

Райадминистрациядин килин заместитель Сурея Исмаиловани вилик акъвазнавай агъалийрин переписдиз талукъ, пропискадиз ва кылдин гражданаар са чкадай масанализ финиз талукъ месэлайриз



хуърерин килери къетидиказ фикир гун чарасуз тирдакай лагъана.

Райондин идарайра кардик квай чим гудай такъатар авай гьалдикай технический отделдин МКУ-дин директор Фазил Сурхаева хабар гана.

А.Агъмедова образованидин тешкилатрин чим гудай такъатар кваллах тийизвай чкайриз и гьафтедин эхирдалди фена, чкадал килигун пахъай Ф.Сурхаев тагъкимарна.

Генани совещанидал Агъмед

Агъмедова образованидин тешкилатра аялриз тлуьнар тешкилзавай гьалар гуъзчивилик кутунин важиблубликайни къейдна.

Совещанидал райондин сергьятрай зирзибил акъудунин карда гьалтзавай месэляярни фикирдиз гъана, веривирдна.

Вадим АГЪАМУРАДОВ

Лезги гыкаятдин бине кутурбурукай сад

(Писатель ва драматург Зияудин Эфендиеван
яратмишунрин кьетIенвилерикай)

Кьад лагъай асирдин лезги прозадин ва драматургиядин кьил кутурбурукай сад хъайи Зияудин Эфендиева чи эдебиятда кIвалахай яхцIур йисан мудатда гзаф кьадар гыкааяр, очеркар, повестар, пьесаяр ва гьакIни роман яратмишна. Граждан дяведа иштиракай Зияудина гьеле Москвада кIелай йисара вичиз ван хъайи А.М. Горькийдин гьахьлу гафар: «Гьакьсагъ зегьметди цийи инсан арадал гьйда», - хьсандиз рикIел хвена ва абурукай вичин уьмуьрда кьиметлу нетижа хкудна. Писателди яратмишунрин карда зегьметдин ва инкьилабдин месэлайриз кьетIен фикир гана ва чи милли литература вилик финик лайихлу пай кутуна.

Зияудин Эфендиев 1903-йисуз виликан Куьре округдин Цмуррин хуьре дидедиз хьана. Адан аял вахтара хайи хуьре пачагьдин гьилибанри агьавал ийизвай. А вахтара пачагьдин гьахьсуз кьанундал нарази зегьметчийри инкьилабдин (революциядин) гьерекатра иштиракзава.

Дагъустанни Россиядин промышленный меркезрикай кьерех тушир. Инкьилабдин вакьийра Цмурдай ва маса дагъви хуьрерай «бахтунихъ кьекъез» Бакудиз фена кьурабайри (отходникри) иштиракзавай. Чеб гатуз хуьрериз хтайла, отходникри шегьердин уьмуьрдикай, ана кьиле физвай гьерекатрикай хуьруьн агьалийризни суьгьбетар ийидай, абур уяхардай, дуьньядин укIуь-цурудан гьавурда твадай. А йисара кьиле феи тарихдин метлеб авай вакьийри жегьил гада Зияудинан зигьинда дерин гел туна, ам инкьилабдин рекьел гьана. Ада школада кIелай Цмурар ва Кьасумхуьр инкьилабдин гьерекатрикай кьерех тушир. Анриз машгьур инкьилабчяр



Кьазимегьамед Агьасиев, Мукьтадир Айдунбегов мукьвал-мукьвал кьез-хьфиз жедай, абуру бязи чIехи хуьрера гьатта инкьилабчийрин гапIаларни кваз тешкилнай. ИкI, месэла, Цмурдал ихьтин гапIалриз Кьазибег Акимова, Кьасумхуьрел Абдусемед Мурсалова регьбервал гузвай.

Дуьньядин гьалариз еке фикир гуз хъайи, кьатIунар авай Зияудин Эфендиева Дагъустанда Советрин власть гьалиб хъайидалай гуьгьуьниз вири вичин алакьунар, кьуват цийи уьмуьр тукIуьрунин рекье эцигна. Писателди а вахтар икI рикIел хкизва: «Ибур Дагъустанда Советрин девирдин сифте тир. Цийи уьмуьр тукIуьрун асанти кIвалах тушир. Сад лагъай Империалист дяведи, кьуд йисан граждан дяведи, кьецепатан ва кьенепатан душманри авур чапхунчивилери Дагъустан кашни-мекъ гьатна, михьиз кьекьерай акьуднавай, инсанар вахтсуз телеф жезвай». Зияудин Эфендиева дагъвийрин савадсузвал тергун патал 20-йисарин сифте кьилера муаллимвал ийизва. Гуьгьуьнлай Москвада партгешкилатрин курсар куьтягьна, ада Куьре ва Самур округра Советрин идарайра жавабдар

везифаяр тамамарзава. Хейлин йисара З. Эфендиева «Цийи дуьнья», «Социализмдин пайдах» газетрин, «Коммунист маариф» журналдин редакторвал авуна.

1949-йисуз ам СССР-дин писателрин Союздин членвилеиз кьабулнай. Зияудин Эфендиева вичин уьмуьрдин эхирдалди сайивилелди литературада ва республикадин общественный уьмуьрда иштиракна. Зияудин Эфендиева писателвилеин кIвалах журналиствилелай башламишна. XX лагъай асирдин 20-30-йисара «Цийи дуьнья», «Яру Дагъустан», «КутIа» газетриз жегьил журналистди дагълара цийи уьмуьр тукIуьрзавай зегьметчийрикай макъалаяр, очеркар, репортажар кьхьиз хьанай. Гьакьикъат дериндай ачухарунин мураддалди, гьа са ватунда ада гьикааярни яратмишуниз эгечIнай. Писателдин «Социализмдин мукар» (1932-йис) очерк Алибег Фатахован гьикааярихъ галаз санал лезги прозадин сифте камарик акатзава. Сиягьатдин кьайдада кьхьенвай и эсерда писателди лезги хуьрера жезвай яшайишдин дегишвилерикай, колхозар тешкилуникай суьгьбетзава. Ада Агъа Макьарин, Кьасумхуьруьн, Герейханован тIварунихъ галай совхоздин, чпи цийи уьмуьр тукIуьрзавай зегьметчи инсанрин кIвалах, цийи школаяр, аялрин бахчаяр, клубар кардик кутун кьалурзава. Писателди абурун тIварарни кьазва. Амма кьейдун лазим я хьи, дегишвилер са уьмуьрда ваь, гьакI инсанрин кьанажагьда, психологиядани хьанва. Гьайиф хьи, З. Эфендиевавай тIвар кьунвай очеркда инсандин руьгьда физвай дегишвилер тамамдиз кьалуриз хьанвач.



Ватандин Чіехи дяве башламишайла, Зияудин Эфендиева Дагъустандин маса халкъарин писателри хъиз вичин къелем мадни хци авуна. Ада дяведин йисара яратмишай очеркар, гыкаяя, пьесаар, публицистикадин макъалаар чи газетриз акъатзавай. 1944-йисуз абур «Дагълара» твар алаз акъатай къилдин квалталди гъатнай. Писателдин сифте ктабдиз акъатай «Гъахвал гъалиб жеда», «Къуъзудан суьгъбет», «Медаль», «Гулистан», «Магъу дере» ва маса гыкаяя, «Гъалибвилахъ» пьеса советрин халкъ чапхунчи немсерин фашистрал гъалиб жедайдахъ инанмишвилин метлебалди тафаватлу я. Писателдин эсеррин героляр фронтдин далу пата югъ-йиф талгана кваллахзавай, зегъметдал рик1 алай халисан советрин инсанар я. Чешне яз, «Гъахвал гъалиб жеда» гыкаяядикай къве гаф лугъун. Ана писателди яшлу дагъви Къадиран


образдалди советрин инсанрин уткъемвал, ватандиз вафалувал къалурнава. Къадира, вичин чіехи яшаризни килиг тавуна, галатун тийижиз кваллахзава, жемьятдик руьгъ кутазва. Адан рик1ел Къасума, вич дяведиз фидайла, лагъай: «Куьне фронтдин далу пата гъалибвал къачу, чна женгина къачуда» - гафар хъсандиз алама. Колхозчийри чпин гыкъисагъ зегъметдалди гъалибвал мукъва ийизва. Писателди гыкаяда гъанвай късади эсердин мана ачухаруниз къуллугъзава. Фронтдин далу пата зегъмет члугъазвайбуруз писателди са жерге эсерар мадни бахшнавай.

Писатель Зияудин эфендиева «Зардин къирмаж» повестда граждан дяведин вакъайрикай, красноармеец Наметани дагъви руш Женетан мугъуббатдикай суьгъбетзава. Зияудин Эфендиев драматургиядизни фикир гайи писателрикай сад хъана. Ик1, чавай

адан «Зейнабан рехъ», «Гуьлзада», «Салигъ гъахъ я», «А йикъар гила алатнава», «Къазимегъамед» тамашачийриз хъсандиз малум пьесайрин тварар къаз жеда. Тамашайрин арада бажарагълу режиссер Багъиш Айдаевахъ галаз ада санал яратмишнавай «Къазимегъамед» драма чи литературада къетлен вакъиа хъанай. Писатель Зияудин Эфендиев чи уьлкведин стха халкъарин эдебиятдин алакъаяр мягъкемарай члалан устадрикайни сад хъана. Ада М. Ю. Лермантован «Бэла» Н.В.Гоголан «Иван Иванович Иван Никифоровахъ галаз хъел хъуникай повесть», Назим Хикметан «Туьркедин гыкаяя» ва маса писателрин эсерар лезги члалаз таржума авуна.

Гъажи ГАШАРОВ,
филологиядин илимрин
кондидат, ДГУ-дин профессор.

Газдин техникадин къуллугъдикай (Интервью)



И мукъвара зун Докъузпара райондин газдин къуллугъдин мастервилин участокдин старший мастер Агъмедов Къембер Ремихановичахъ галаз гуьруьшмиш хъана. Чи арада района газдин къуллугъдин идаради тамарзавай кваллахдикай суьгъбет къиле фена.

-Къембер Ремиханович, куь идаради халкъдин къуллугъда акъвазна гъихътин везифаяр тамарзава?

-Гъамиша райондин газдин абонентар газдалди

таьминарун, квалериз тухванвай газдин сетар ахтармишна, халкъдин хатасузвал таьминарун, газ ахъайзавай чкаяр ва тадаракар тади гъалда туьклуьр хъувуна, абур къайдадиз хкун, цлийиз газ кутазвай агъалийрин документар гъазурун ва абурун квалериз газдин сеть тухун вири чи хиве гъатзавай везифайрик акатзава.

- Куьне гъар йисуз агъалийрин кардик квай газдин тадаракарин гъалар гъик1 ахтармишзава?

- Гъар са газдин абонентдихъ галаз чна технический обслуживаниедин рекъай договорар кутлунзава. И договоррал аслу яз, йисан къене са сеферда райондин гъар са газдин абонентдин квалел физ, чна газ ишлемишзавай тадаракар ва кваллин къенез тухванвай вири газдин сеть ахтармишна, члуру чкаяр туьклуьр хъийизва. Мадни чи гъар са газдин пешекардин хиве, абонентдин кваллин къенез тухванвай газдин турбадал эцигнавай вири кранриз ягъ язъун, резъбедалди ва сваркадалди галк1урнавай чкайриз килигна, члуру чкаяр дуьз хъувунни гъатзава. Амма и обслуживаниедин кваллахни договорда къалурнавай гъахъунихъ ийизва. Идалай гъейри, технический обслуживаниедин рекъай газ ишлемишзавай абонентри икърар кутлун тавурт1а, чи пешекрриз атана ам атлудай ихтиярни ава.

- Газдин жермеяр авунин рекъай куь къуллугъдин пешекарин къаришмишвал виже



къвезвани?

-Ихтияр авачиз газ кутур агъалийриз кхъизвай актунин бинедаллаз 10 ва 15 агъзур манатдив агакьна, абуруз жерме эцигдай ихтияр ава. Газ ишлемишзавай абонентдин квалел технический обслуживание ийиз, чи пешекарар атана, абурув кве сеферда обслуживание ийиз тун тавуртла, пуд лагай сеферда къанундалди чаз абурун газ атлудай ихтиярни гузва.

-Газдин тадаракар яргъалди ва къулайвилелди ишлемишунин рекъай куь меслятар гьихьтинбур я?

-Вири жуьрейрин газдин, отопленийрин пичер ишлемишунин вахт абур акъудзавай заводдай эцигзава. Чна тадаракар ахтармишдайла, эгер абурун вахт

алатнаваз хъайитла, ихьтин шейэриз илемишдай ихтияр хгузвач лагъана, акт кхъизва. Газ ишлемишзавай абонентдин квалел атай вахтунда, абуру ишлемишзавай тадаракар ва к1 вализ тухванвай сеть ахтармишдайла, са бязибуру килигизни вугузвач. Заз чирвал, абонентдин квалел чи пешекарар атайла, абурухъ галаз меслятдалди вири сеть ахтармишайтла, хъсан жедай, вучиз лагайтла, адан хатасузвал хвейи вахтунда гьар са хизан газ себеб хъана жезвай дуьшуьширайни хуьз жеда.

-Алукъзавай хъуьтлуьн сезонда абонентриз газ артух авунин режим мус дегишарзава?

-Са йисан къене, чна жемьтдиз газ пуд жуьредин режимдалди ахъайзава. Хуьтлуьн вахт алуькьдайла

чаз режим дегишун патахъай постоновлениедин чар къведа. Ахпа адал асаслу яз, чна жемьтдиз гузвай газдин къадар артух ийида.

- Квез эхирдай райондин газдин абонентриз лугъудай гьихьтин тлалабунар ава?

- За халкъдивай тлалабзава, ихтияр авачиз газ кутун тавун, газдин хатасузвал хуьн, газдин турбайрай газ ахъайзавай чкаяр ава хъайитла, чаз вахтунда хабарун, чи пешекарар обслуживание ийиз атайла, абурухъ галаз гьежет тавуна, вири галк'урнавай чкайриз килигиз тун, эгер маса месэляар хъайитла, тлалабзава за райондин центрадиз чи идарадал атун. Генани за вири агъалийриз чандин сагъвал, риклин шадвал хуьн тлалабзава.

Вадим АГЪАМУРАДОВ

ЧІЕХИ ГЪАЛИБВИЛИН 74 ЙИС

Волгадилай Эльбадал къван

Чпин къисметдиз дяведин цлаяра хъунин чип акъатай, жегилвал Ватандин рекъе эцигай ватанперес ва къегъал рухвайрикай сад Докъузпара райондин Каракуьре хуьряй тир Магъмудов Гъажи Магъмудович я. Ада хайн хуьре 7-класс акъалтарна, Буйнакск шегьерда авай ветеринарный техникумдиз документар вугана. Европада фашизмди къил хкажнавай. Советрин Ватандал фашистрин Германияди са патахъай, милитариствилин Японияди муькуь патахъай гъужум авунин къурхулувал авай гъахьтин шартлара Гъажидизни Яру Армиядин частара къуллугъ ийиз эвер гана. Экечлнавай техникум куьтягъиз хъанвачир.

1940-йисан майдилай сентябрдал къван адакай Украинадин Каменокостромилово шегьерда авай атлуйрин полкунин курсант хъана. Инай ам взводдин командирдин заместителвиле артиллериядин полкуниз рекъе туна. Гъа ина амаз, Ватандин Чіехи дяве къарагъна. 2-Белорусский фронтдик кваз Гъажи Магъмудовича дяведин сифте йикъалай эхирдал къван къуллугъна. Гъалибвилин югъ ада Эльба вацлал, Лебо тлар алай шегьердин патав, къаршиламишна.

Виринрани ам тупчи тир. Залан яракъ гваз ам дяведин эвелдай саки Волгадал къван къулухъди хтана, Сталинграддин чіехи ягъунрилай гуьгъуьниз, гъа туп гваз ам мад виликди хъфена. И рекъера Гъажидал хирерни хъана, къегъалвилерни ада тлимил къалурнач. Адан фирягъ хуру Ватандин чіехи наградайрив ацланвай. Абурун жергеда «Баркалладин III лагай дережадин орден», «Сталинград оборона авунай», «Кенигсберг къачунай», «Германиядал гъалиб хъунай (1941-1945-йй)» медалар ава.

Дяведилай гуьгъуьниз Гъажи Магъмудоваз чи халкъди къейд авур вири юбилейрин медалар, Г.

Жукован медаль ва «Зегьметдин ветеран» медални ганвай.

Гъажи Магъмудович 1946-йисуз хуьруьз хтана, эвленмиш хъайи ада вичин кайвани Шегьридикъ галаз пуд хвани кве руш чіехи авуна, тербия гана Рагъметлудан хва Мадрида чи райондин образованидин управленидин ИМЦ-дин начальниквиле, руш Султанова Ханумани гъа образованидин къурулушда кваллахзава. Гъажи муаллимди, вичи кваллахдивай чара тахъана, ДГУ-дин филологиядин факультетни акъалтарнай.

Махмудов Гаджи Махмудович⁴ —

1920-2008гг.

ВстерЕл (клик It Отсчишгвй нивы, играфияэ Оцдснон Сшы,

OfUmoH Отместасной Зон ни - In., чуоня Тз Ойр сну

Сшнтрц; илит Кснтсбергч, за победу над Герман,

несдшн Жуюм г U-шо н>Зы?нничн исдалиа СССР

Ушел ■ нстяепмс f0 пили гага, о&цеткмий гатсь,

1941-1945 г.г.



Рагъмтлуда, гьеле вичел чан аламаз хайи хуьре хейлин общественный крарикни пай кутунай. Каракуьредиз машиндин гегьенш рехъ тухун, булахар гун, уьрушар цик кутун, цийи хуьруз бинер ядай мумкинвилер жагъурун, куьгьне мисклиндин дарамат хуьн ва ик1 маса к1валахарни.

Дяведин иштиракчидин к1вале чпикай винидихъ раханвай наградайрихъ галаз фронтдин рекъерай хканвай, ч1ехи полководецрин кьулар алай тарифдин хейлин чарарин хуьзва. Ингье, абурукай сад - «Помераниядин женгерин иштиракчидиз». Ана кхьенва: «Юлдаш Магъмудов Гъажи Магъмудович, Верховный Главнокомандующий, Советрин Союздин Маршал юлдаш Сталина 1945-йисан 27-февралдиз приказдин бинедаллаз Ваз Померанияда авай шегъерар - Шлохау, Штегерс, Хаммерштейн, Бальденберг, Бублиц, Нойштенгин, Прехау - къачудайла женгера вик1егъвал къалурунай кьве сеферда сагърай, аферин лаганва. Чна вун тебрикзава ва к1велай инанмишвал къалурзава хьби, вуна генани вик1егъдаказ алчах душман адан эхир жедалди гатада ва дарбадагъда.

Корпусдин командир». Им са чар я. Амма адахъ гьикъван еке метлеб, женгинин иштиракчяр гунаррал руьгъламишдай гьихътин кьуват ава! И чарчелай чаз Маршал Сталинан такабурулу суретни чан алайди хьиз килигзава. Гьелбетда, «Ватан патал - Сталин патал!» - лугъуз, гьужумдиз феи рухвайрик ихътин чарари т1имил руьгъ кутунач. Маса тарифдин чар 1945-йисан 31-июлдиз ганва. Адал пуд касдин кьулар ала: 2 - Белорусский фронтдин кьушунрин командующий, Советрин Союздин Маршал К. Рокоссовскийдин, 2-Белорусский фронтдин Военный Советдин член, генерал - лейтенант Н.Субботинан ва 2-Белорусский фронтдин штабдин начальник, генерал-полковник А. Боголюбован. Чарче кхьенва: «Юлдаш гвардиядин старший сержант Магъмудов Гъажи Магъмудович, Квез Яру Армиядин вик1егъ аскердиз, Верховный Главнокомандующий, Советрин Союздин Генераллиссимус юлдаш И. В. Сталинан Чухсагъулдин приказдалди чпин кьегъалвилер са шумуд сеферда кьейднавай 2-Белорусский фронтдин кьушунрин жергейра авай аскердиз немсерин фашистрин чапхунчийрихъ галаз кьиле феи женгерин иштиракчидиз, Чухсагъулдин и Чар Ватандин Ч1ехи

дяве рик1ел хуьнин лишан яз гузва. Чаз Квехъ хъсан сагъламвал, социализмдин ч1ехи Ватандин хушбахтвал патал Куь гелегеддин зегъметдин уьмуьрда цийи агалкъунар хъана кланзава». И чарчин кланелай вижевай лозунгни ала: «Чи кар гьахълуди тир, чун гъалибни хъана!»

Гъажи Магъмудовича, вич дяведай хтай 1946-йисалай инихъ хайи районда сифте комсомолдин райкомдин тешкиллувилин отделдин заведующийвиле, гуьгъуьнлай саки 50 йисуз школадин муаллим виле к1валахна.

Тарихдиз хъфизвай йисан майдиз (2019-йисан май) Каракуьредин хуьре шад мярекат кьиле фенай. Чкадин СОШ-да Ватандин Ч1ехи дяведин иштиракчи, муаллим Магъмудов Гъажи Магъмудовичан т1варунихъ Каракуьредин СОШ яна.

Гъалибвилеин суварин вилик - им лап лайхлу вакъиа хъанай. Аферин чи Ватан хвейи дирибаш рухвайриз! Гъажи Магъмудовични гъа жергеда ава. Ам чи рик1ера, чидайбурун зигьинда гъамишайлугъ яз амуькда.

Шагъбала ШАГЪБАЛАЕВ

Къет1и гьалар арадай акъудунин рекъяй вердишвилер

1-2-октябрдин йикъара чи районда Россиядин МЧС-дин руководстводик кваз гражданский оборонадай вердишвилер кьиле тухвана. Адан карда иштираккай РФ-дин субъектрин гьукумдин крар кьиле тухузвай тешкилатрин векилри т1ебиатдин ва техногенный суйдин къет1и гьалар арадал атайла, чеб тухудай къайдайрикай чирвилер гана.

Вердишвилерин сифте югъ «Докъузпара район» МР-дин администрацияда тешкиллувилин к1валахдин темадай регъбервал гузвай ва подразделенийдин дестеяр тешкилуни рекъяй вилик акъвазнавай месэлайрихъ галаз танишарна. Къет1и гьалар арадал атайла, агъалияр вахтунда хабардар



авун, абур къутармишдай пунктариз агакьарун, сагъламвилериз зарар тахъун ва маса терефар фикирда къазва.

Вирироссиядин сергъятрин

ихътин дережадин вердишвилер гъар йисан октябрдиз кьиле тухузва. Абуру гражданский оборонадай вацран стартдиз кьуват гузва.

ЧИ МУХБИР

Иисан эхирдалди акьалтларда



сергьятдал алай погранзаставайрихъ галазни датлана герек алакьа хуьниз куьмек гузва. Ремонт авурдалай гуьгьуьниз Мегьарамдхуьр - Усугьчай - Ахцегь - Рутул шегьре йисан гьи вахтунда хьайитлани ишлемишдай ва хатасуз, виниз тир еридин рекьиз элкьведа. Кьенин йикьалди асфальтдин са кьат тунва, устларар ва пешекарар кьвед лагьай кьатни тунал машгьул я. Шегьредин кьерехра хатасузвал хуьдай имаратарни эцигна куьтягнава. Асфальт, мягкьемди авун патал кьатарин юкьва синтетикадин сетка твазва. Икьрарда кьалурнавайвал, яргьи рехь ремонт авунин кьвалахар алай йисан декабрдин эхирра акьалтларун лазим тир. Кьилиз акьуднавай крар фикирда кьурла, рехь вахтундалай вилик, октябрдин вацра, ишлемишиз вахкудайвал я.

Дагъустан Республикадин Мегьарамдхуьруьн, кьуд райондик акатзавай Докъузпара, Ахцегь, ва Рутул Мегьарамдхуьр - Ахцегь - Рутул шегьре капитальнидаказ ремонт авун «Автомашинрин хатасуз ва еридин рекьер» милли проектдин лап кар алай объектрикай сад я.

Мегьарамдхуьруьн, Докъузпара, Ахцегь, ва Рутул районрин хуьруьн майишат ва туризмдин мумкинвилер вилик тухун патал и шегьредихь кьетлен метлеб ава. Ибурухъ галаз сад хьиз, и рекьи чи уьлкведин Кьиблепатан

Шагьбала ШАГЬБАЛАЕВ

МЕСЯЧНЫЙ ОТЧЕТ ОБ ИСПОЛНЕНИИ СМЕТЫ РАСХОДОВ

по МО "с. Мискинджа" на 1 октября 2019 г.

ДОХОДЫ:

Всего поступило: 5466026,61

Субвенция	00120235118100000150	149250,00 ВСУ (19-365)
	00120215001100000150	4737837,00
	00111701050100000180	35764,10
	Итого:	4922851,10

	182 10606043102100110	2138,97
Земельный налог	182 10606043101000110	353140,65
	182 10606033102100110	490,36
	182 10606033101000110	4 752,00
Имущественный налог	182 10601030101000110	116960,19
	182 10503010011000110	7 540,50
	182 10102030011000110	1611,20
	182 10102020013000110	20,00
	182 10102010012100110	0,78
	182 10102010011000110	-1 066,46
Подходный налог	182 10102010011000110	57587,32
ИТОГО		5431175,51

РАСХОДЫ:

Наименование организаций	Гл.	р/п	Под/раз	ц/статья	в/р	КОСГ У	Смета на 2019г /в тысячах/	Ассигнования на отчетный период	Кассовые расходы с01.08.19г.
Орган местного самоуправления	001	01	04	883002000			2574		2695408,31
Заработная плата					121	211	1440		1029528,90
Начисление на зплату					244	213	435		342677,41
Услуги связи					244	221	24		
Командировочные расходы					244	222	8		
электроэнергия					244	223	140		197492
Текущий ремонт					244	225	60		
Услуги по содержанию имущества					244	226	100		413625
Прочие услуги					244	290	30		26005
Приобретения основных средств					244	310	40		
Приобретение материалов					244	340	257		686080
В У С	001	02	03	9980051180			199		145250,00
Заработная плата					121	211	157		110630,00
Начисление на зплату					129	213	46		34620,00
	001	05	02	9990000590			1156		757223,38
Прочие услуги					244	225	60		
Услуги по содержанию имущества					244	226	1036		757223,38
Приобретение материалов					244	340	60		
Управление коммунального хозяйства	001	05	03	9990000590			1175		883085,12
электроэнергия					244	223			
Прочие услуги					244	225	1125		
Приобретение мат. ценностей					244	226	10		883085,12
Приобретение материалов					244	340	40		
СДК	001	08	01	9900080010	540	251	593		350611,00
Иные межбюджетные трансферты					540	251	593		
Резервный фонд	001	01	11	9990020680	870	290	176		

Сведения о движении средств, находящихся на текущих бюджетных счетах.

Наименование текущего бюджетного счета	Код строки	Остаток на начало года	Поступило с начала года	Кассовый расход за отчетный месяц	Остаток на конец отчетного года
Текущий бюджетный счет главного распределителя		51690,31	5466026,61	4 831577,81	686139,11
Всего		51690,31	5466026,61	4 831577,81	686139,11

Р.М. КАНБЕРОВ,
Глава администрации

Т.А. АСАЛИЕВА,
Главный бух.

Э.К. АРАСХАНОВ,
Бухгалтер

ЧТО ДОЛЖЕН ЗНАТЬ АБОНЕНТ

О передаче данных прибора учета газа

**Уважаемые абоненты! ООО "Газпром
Межрегионгаз Махачкала" напоминает:**

При наличии прибора учета газа абонент обязан ежемесячно сообщать поставщику газа сведения о показаниях счетчика (п.21 Правил поставки газа №549 от 21.07.2008г.).

Также, п.3.4.4. "Договора о поставке газа для обеспечения коммунально-бытовых нужд граждан" гласит, что абонент обязан ежемесячно, до 25 числа текущего месяца, сообщать Поставщику сведения о показаниях прибора учёта газа в квитанции по оплате за потребленный газ или другим доступным способом.

В случае не предоставления абонентом в установленный срок показаний прибора учета газа, объём потребленного газа за прошедший расчетный период и до расчетного периода, в котором абонент возобновил предоставление указанных сведений, но не более 3 месяцев подряд, определяется исходя из объема среднемесячного потребления газа абонентом. По истечении указанного трехмесячного периода, в котором абонент возобновил представление указанных сведений, определяется в соответствии с нормативами

потребления газа (п.31 Правил поставки газа №549 от 21.07.2008г.)

Для возобновления расчетов по показаниям прибора учета газа, абоненту необходимо обратиться в заявительном порядке в адрес ООО "Газпром Межрегионгаз Махачкала" для вызова представителя поставщика газа для снятия контрольных показаний и проверки газового счетчика.

РЕКОМЕНДУЕМ:

- передавать показания прибора учета газа в конце каждого расчетного месяца (до 25 числа);

- подключить услугу "Личный кабинет абонента" на сайте ООО "Газпром Межрегионгаз Махачкала" (www.mkala-mrg.ru) или скачав приложение "МойГаз".

С помощью услуги "Личный кабинет абонента" Вы сможете:

- оплатить потребленный газ;

-передать показания прибора учета газа (при условии соответствия прибора учета газа требованиям законодательства);

-посмотреть баланс и детализацию лицевого счета.

Халкъдин яшайишдин гьалар к!евера ва дарда твазвай, абурун игьтияжриз дуьзгунвилелди килиг тийизвай, закондин истемишунриз яб тагана чпин йвалахар ва къуллугъ идара ийизвай гьакимар гьукуматдин аппаратда гьеле кьери туш. Эгер са гьихьтин ятлани идарада куьн кимивилерал расалмиш жез, абуру пулар йалабиз хьайиНа, чаз газетдин работникриз хабар це. Чун куь тереф хуьн патал гьар са дуьшуьшда къаришмиш жеда ва ч!уру к!валахриз рехъ тагунин карда гьахьвилдин даяхар яз акъвазда. И мураддалди чна, вири уьлкведа хьиз, "горячая линия" кардик кутазва. Т^лабзава чаз чарар кхьин (къуларни ч !угуна).

Скорая помощь ЦРБ Докузпаринского района

тел. 8 928 059 84 90, 8 989 868 03 00

«ГОЛОС ЭРЕНЛАРА»

2001-йисан
ноябрдилай акъатзава

Тешиклайди:
Докузпара райондин
администрация,
Дагъустан Республика

Учредитель:
Администрация Докузпаринского
района, Республика Дагестан

Къилин редактор:
А. Э. ЭМИРСУЛТАНОВ

Жавабдар секретарь:
В. С. АГЪАМУРАДОВ

Хусуи корреспондент:
Ш. О. ШАГЪБАЛАЕВ

Корректор:
Ш. О. ШАГЪБАЛАЕВ

Верстка авурди:
Н. Н. БЕЙТУЕВ

Газетдин индексар:
Зур йисан къимет - 216 м.
Йисан къимет - 432 м.

Чандиз вахкай вахт: 14:00
Чапзавай вахт - 17:00

Тираж 355

Редакциядинни макъалайрин авторрин фикирар сад тахьун мумкин я. Макъалайрин делилрин дуьзвилдин патахьай жвааб авторри чни гуда. Макъалайриз рецензия гузвач ва абур элкьвена вахкузвач. Мадни, чпин макъалайра дегизивилер тунал, къилер дегизишунал рази тушир мухбиривай чна абур редакциядиз ракъур тавун тТалабзава.

*Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан*

**Регистрационный
номер ПИ №ТУ5 - 00256
от 14 июня 2013 г.**

**Редакциядин,
издательстводин ва
типографиядин адрес:**

**368750, Докузпара
район, Усугъчай хуьр,
тел.+ 7 (8722) 55-14-61
e-mail:
goslos-erenlara@mail.ru
Чи сайт: www.erenlar.ru**